



Broj:01-01-~~2020~~ /22-JN
Sarajevo, 30.11.2022.godine

Na osnovu člana 64. stav (1) tačka a), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), člana 14. Pravilnika o javnim nabavkama roba, usluga i radova u Javnoj ustanovi „Služba za zapošljavanje Kantona Sarajevo“ Sarajevo broj: 09/1-1382-1-UO/22, od 05.08.2022. godine, a na osnovu Preporuke Komisije za javne nabavke, broj: 2000-1/22-JN od 11.11.2022.godine u postupku javne nabavke – Nabavka revizorskih usluga – Računovodstvene i revizorske usluge za potrebe Javne ustanove „Služba za zapošljavanje Kantona Sarajevo“ Sarajevo, direktor *donosi*

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke broj: 2000-1/22-JN od 11.11.2022.godine i ugovor za javnu nabavku – Nabavka revizorskih usluga – Računovodstvene i revizorske usluge za potrebe Javne ustanove „Služba za zapošljavanje Kantona Sarajevo“ Sarajevo, dodjeljuje se ponuđaču „Bilans“ d.o.o. Sarajevo, ponuda zaprimljena pod brojem: 09/3-42-JN/22 od 31.10.2022.godine, za ponudenu cijenu u iznosu od 10.000,00KM bez PDV-a, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču „Bilans“ d.o.o. Sarajevo, uz obavezu da dostavi dokaze o ispunjvanju uslova za kvalifikaciju i to na način i u formi kako je zahtijevano tenderskom dokumentacijom u roku od 5 (pet) dana, od dana prijema Odluke o izboru najpovoljnijeg ponuđača, ukoliko iste nije dostavio uz ponudu.

Član 3.

Za izvršenje ove Odluke zadužuje se i ovlašćuje Jedinica za nabavke.

Član 4.

Ova Odluka objavit će se na web stranici JU „Služba za zapošljavanje Kantona Sarajevo“ Sarajevo, www.szks.ba, istovremeno s upućivanjem ponuđačima koji su učestvovali u postupku predmetne nabavke, shodno članu 70. stav (6) Zakona o javnim nabavkama.

Član 5.

Ova Odluka stupa na snagu danom donošenja.

Obrazloženje

Odlukom o pokretanju postupka nabavke – Nabavka revizorskih usluga – Računovodstvene i revizorske usluge, za potrebe Javne ustanove „Služba za zapošljavanje Kantona Sarajevo“ Sarajevo broj: 01-1-1607/22 od 13.09.2022. godine, pokrenut je predmetni postupak javne nabavke.

Javna nabavka provedena je putem konkurentskog zahtjeva za dostavu ponuda.

Procijenjena vrijednost predmetne nabavke bez PDV-a iznosi 12.820,00 KM.

Sljedom navedene Odluke, dana 10.10.2022. godine, izvršeno je objavljivanje Obavještenja o nabavci broj: 774-7-2-40-3-33/22 na Portalu javnih nabavki. Istovremeno sa slanjem obavijesti na Portalu javnih nabavki, Zahtjev za dostavu ponuda prosljeđen je sljedećim ponuđačima: Address d.o.o. Sarajevo, BDO BH d.o.o. Sarajevo, Džaferović d.o.o. Sarajevo.

Po isteku roka predviđenog za dostavljanje ponuda, Komisija za javne nabavke imenovana Rješenjem broj: 01-01-34-0399/22 od 11.03.2022. godine, blagovremeno i pravilno izvršila je otvaranje pristiglih ponuda, kao i ocjenu istih, o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da su ponude ponuđača „RR-Team“ d.o.o. Tuzla, zaprimljena pod brojem: 09/3-41-JN/22 od 20.10.2022.godine i „Bilans“ d.o.o. Sarajevo, zaprimljena pod brojem: 09/3-42- JN/22 od 31.10.2022. godine, blagovremene, te da neblagovremeno pristiglih ponuda nije bilo.

U postupku analize pristiglih ponuda, Komisija je u Zapisniku o ocjeni ponuda broj: 09/3-2000/22-JN od 11.11.2022. godine, konstatovala sljedeće:

Uvidom u ponudu ponuđača „RR-Team“ d.o.o. Tuzla, utvrđeno je da je ponuđač ponudio ukupnu cijenu bez PDV-a i bez popusta u iznosu od 10.000,00 KM, te 65 sati rada na terenu (Obrazac za cijenu ponude).

Daljom analizom ponude istog ponuđača, ustanovljeno je da je isti dostavio potvrdu od Uni Credit Banke broj: TU12-7-10-22-149 od 07.10.2022.godine, kao dokaz ekonomsko-finansijske sposobnosti-solventnosti kako glasi (da transakcijski računi ponuđača nisu bili blokirani u posljednjih 12 mjeseci, računajući period od datuma objave obavještenja o nabavci) u skladu sa tačkom 3.3.1. pod a) Tenderske dokumentacije.

Imajući u vidu da je Obavještenje o nabavci objavljeno 10.10. 2022. godine, Komisija je stava da je gore navedena potvrda trebala biti izdata na dan objave obavještenja o nabavci te kasnije, ali ne i ranije, kako je ponuđač istu dobio na dan 07.10.2022 godine, time ne pokriva period posljednjih 12 mjeseci od datuma objave obavještenja o nabavci (10.10. 2022 godine). Zbog neispunjavanja kvalifikacionih uslova shodno tački 3.3.1. pod a) Tenderske dokumentacije, Komisija ponuđača „RR Team“ d.o.o. Tuzla proglašava nekvalificiranim ponuđačem a njegovu ponudu kao takvu odbacuje.

Nadalje, uvidom u ponudu ponuđača „Bilans“ d.o.o. Sarajevo, utvrđeno je da je ponuđač ponudio ukupnu cijenu bez PDV-a i bez popusta u iznosu od 10.000,00 KM, te 400 sati rada na terenu (Obrazac za cijenu ponude).

Daljom analizom dostavljene dokumentacije, konstatovano je da je ponuđač „Bilans“ d.o.o. Sarajevo ispunio sve uslove tražene okvirom Tenderske dokumentacije što ga čini kvalificiranim ponuđačem a njegovu ponudu prihvatljivom. Nakon što je izvršila bodovanje po kriteriju ekonomski najpovoljnija ponuda, komisija sačinjava Preporuku broj: 2000-1/22-JN od 11.11.2022.godine, o izboru navedenog ponuđača kao najpovoljnijeg.

U postupku donošenja ove Odluke posebno su cijenje činjenice da je Komisija pravilno i potpuno izvršila ocjenu kvalificiranosti ponuđača, te ocjenu pristiglih ponuda shodno kriterijima iz tenderske dokumentacije a u skladu sa Zakonom o javnim nabavkama, podzakonskim i internim aktima.

Cijeneći navedeno, a primjenom člana 64. stav (1) tačka a), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od 5 (pet) dana, od dana prijema iste, Uredu za razmatranje žalbi, putem ovog Ugovornog organa, u skladu sa članom 99. i 101. Zakona o javnim nabavkama.

Pripremila/obradila: Maida Zenuni [REDACTED]

Odgovoran za zakonitost i tačnost podataka: Ibrahim Lika [REDACTED]



Dostaviti:

- Svim učesnicima u postupku javne nabavke,
- Komisiji za javne nabavke,
- Evidenciji,
- A/a.

Sarajevo, Đoke Mazalića 3,
 web-stranica: www.szks.ba; e-mail adresa: info@szks.ba
 Tel:++387 (33) 569-100, fax: 204-177; Matični broj: 4200304610003;
 Poreski broj: 01079085; Računi Intesa Sanpaolo Banka d.d. Sarajevo:
 1549212010171056-depozitni račun, 1540012000135120-transakcijski račun

